

VENDIM
Nr. 93, datë 8.2.2017

**PËR SHPRONËSIMIN, PËR INTERES PUBLIK, TË PRONARIT TË PASURISË SË
PALUAJTSHME, PRONË PRIVATE, QË PREKET NGA REALIZIMI I PROJEKTIT
“SISTEMIMI DHE ASFALTIMI I RRUGËS SË GAZIT”, BASHKIA DIVJAKË**

Në mbështetje të nenit 100 të Kushtetutës dhe të neneve 5, pika 1, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e ministrit të Punëve të Brendshme, Këshilli i Ministrave

VENDOSI:

1. Shpronësimin, për interes publik, të pronarit të pasurisë së paluajtshme, pronë private, që preket nga realizimi i projektit “Sistemimi dhe asfaltimi i rrugës së gazit”, Bashkia Divjakë.
 2. Shpronësimi të bëhet në favor të Bashkisë Divjakë.
 3. Pronari i pasurisë së paluajtshme, që shpronësohet, të kompensohet në vlerë të plotë, sipas masës përkatëse, që paraqitet në tabelën që i bashkëlidhet këtij vendimi, për pasurinë “tokë arë”, me sipërfaqe 30 (tridhjetë) m², me vlerë të përgjithshme prej 10 920 (dhjetë mijë e nëntëqind e njëzet) lekësh.
 4. Vlera e përgjithshme e shpronësimit, prej 10 920 (dhjetë mijë e nëntëqind e njëzet) lekësh, të përballohet nga të ardhurat e Bashkisë Divjakë, planifikuar në buxhetin e saj.
 5. Vlera e shpenzimeve procedurale të përballohet nga Bashkia Divjakë.
 6. Afati i përfundimit të shpronësimit të jetë tre muaj pas datës së hyrjes në fuqi të këtij vendimi.
 7. Afati i përfundimit të punimeve të objektit në Bashkinë Divjakë të jetë në përputhje me afatet e parashikuara nga kjo bashki.
 8. Regjistrimi i ri i pasurisë “tokë arë”, me sipërfaqe 30 (tridhjetë) m², për realizimin e projektit “Sistemimi dhe asfaltimi i rrugës së gazit” të bëhet në favor të Bashkisë Divjakë.
 9. Ngarkohen Ministria e Punëve të Brendshme, Zyra Vendore e Regjistrimit të Pasurive të Paluajtshme Lushnjë dhe Bashkia Divjakë për zbatimin e këtij vendimi.
- Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTRI
Niko Peleshi

**LISTA E EMËRORE E PERSONAVE DHE PRONAVE QË DO TË SHPRONËSOHEN PËR EFEKT TË
“SISTEMIM DHE ASFALTIM TË RRUGËS SË GAZIT DIVJAKË”**

Nr.	Emri mbiemri	Nr. i pasurisë	Zona kadastrale	Sipërfaqja m²/ tokë arë	Çmimi në lekë/m²	Vlera në lekë	Lloji i dokumentit të pronësisë
1	Lavderim Muharrem Xheja	703/12	1492	30	364	10 920	Konfirmim nga ZRPPP-ja
	TOTALI					10 920	

